

湘綺樓日記

二三

# 湘綺樓日記

光緒二十七年辛丑

辛丑正月戊辰朔雨水陰煊晨起待婦女裝飾張廖生來賀年小坐留飲旋入內受賀蓮耶父子來朝食後程孫來已易衣出見旋入來者皆謝不見至夕岢樵來復便衣出見家人擲骰余竟日未得大彩移文監院開復廩生喻謙

二日陰風小雨如霧晏起張尉翁壻來坐外廳待見家人皆未起久之乃出小坐去遣輿出謝客因至楊家伯琇云有坐船可借

三日晴遣人借船來遂發行李諸女並歸將驛館不來矣監院來傳道台語請發題清泉顧尉亦來忌辰拜年非所望於官場也與書窰女問其行止

四日晴發行李未畢客來勦不已遂自登舟入城問盤川更借程岢樵浮

橋上船自乘至夜宿浮橋旁程生來同過任師索麪以余未午食也至初更女船始到遂不飯

五日晴煊晨入城取錢還船蕭郎自浙來仍往長沙查鈔譚中書過船相看送南骹蘇餠隆觀察來未能見上岸答謝遇胡子清丁篤生續宜之避客先出登舟二陳郎李孫程氏諸子姓皆來送常生孫同來程孫稱其善問因獎勞之輿兒來送云院門已鎖遣陳八還兩船載煤鹽至夜未行移過浮橋

六日陰晴將午始開行北風頗壯卅里泊樟寺

人日晴欲作餅舟中殊擁擠未暇也黃孫始讀表記行九十里泊雷石灘上

八日晴煊衝關徑行無呵問者舟中唯門牌擲骰行百五里泊晚洲夜月九日晴水手販私鹽留四竹塹甚久促行已夕泊昭靈灘灘聲如瀑夜月

十日晴舟人不欲行詭云灘口有渚橫洪過午乃行甚戒懼也行卅里泊大石圍向來未聞此地夜月甚明先遣樹生過灘從山門附舟至家喚船

十一日陰舟行甚遲託風不進俄而雨至心甚煩悶又小疾未朝食已而強進大風飄船又不欲行矣夜泊馬家河

十二日陰風止雨霽午前至漣口待撥久之裁入鄉紉真悶船因止其行坐船怨紅船解維紅船又怨坐船碰傷船舷因移行李盡歸紅船方過舟艙已被隨丁占去難於更移因呼撥船先發欲獨入山莊再出縣府不過爲投宿計耳兩外孫並欲從行裁又強遣房嫗隨侍乃似移家更可笑也甫飯罷欲行撥船又至已命開槳因不更待行二里遣高奶負擷孫還黃孫與房嫗侍行誤坐漏舟櫂邊盡浸幸雨止月明一更泊姜

畚

十三日陰榜人昨夜夢行三四里復睡至曉呼之起辰初乃至湖口被浸  
溼矣亟登岸率黃孫步至山莊懿夫婦出見已辰正矣待嫗而食久不  
至乃飯午後行李始來家庭未洒掃非治家者也稍爲清理宗兄閨寶  
俱來見宗則猶是也而寶髮長矣頻遣人候船久之不至俄而莪真昇  
來云自縣又知紉復湘孫船來更候之唯滋守至二更乃來自姜畚行  
色壯哉待行李至雞鳴乃寢

十四日陰促莪拜其母墓乃朝食復促早去乃至午初方行攜擷孫同昇  
懿婦已娠不能送頃之哲子來云其母甚念已遣嫗來遂豫備分娩戊  
正生一女胞久未下或云更有一兒久之云已安穩矣家人俱未睡余  
先眠遣報婦家平安

十五日陰辰正懿婦又下一胞房嫗或云有之或云未見或云聞有者亦  
未能明也婦弟及其師來鄉客踵至最習者將軍及其債主多談詩時



哲子論詩入微及作未能達副論時局則未確蓋爲俗染頗以東西夷  
爲能爲害夜待橋龍來來者數十百人久之乃去兒女賀節已三更後  
喫湯丸甚佳又小飲乃先客寢黃孫後睡俱酣及醒已天明  
十六日癸未驚蟄午後小雨振孫來佃民船戶俱來更有雜客應接不暇  
張楊午後去許甥孫先去云吳師來鄉報和議改政之喜哲子又以爲  
可信余不問也殆孟子所云不動心者耶夜雨

十七日陰晴始復課讀鄉人來言望雨甚切夜令諸女早睡早起無事夜  
談

十八日陰晨起甚早而不欲食鬻工報周生當來昨已至姜畬矣一村婦  
從族婦來拜年亦奇聞也看宋生采風記

十九日晴南風動地大煊可夾衣靜坐盛庚唐來還穀息且託薦湖北笠  
轂蓋頂爲弓所環如轂受輻故亦曰轂作廖碑垂成以無佳思置之夜

北風衝階闥震撼不眠

廿日晴頓寒偶出垣外見一株似桃而小花垂滿樹就看乃海棠也不知何以在此本植兩株庭下十年不花又致兩盆未植而枯方欲更覓無意得此乃知賢才遇合未可人力爲也以余孳孳求者而遺於目睫遑問贖贖者乎彭生鸚衣冠來正作餅因以款之房嫗出遊甚寒未能同往夜月

廿一日晴頻出看草樹初春榮秀之意因遊石井循田而還夜雷隱隱小雨時作

廿二日朝時飛雨午後復晴作廖碑竟祿孫生日正四生日矣余始在家作包子飴之周生暉莖來初夜廖傭來功書報新政鈔來一詔墨卷光昌王鹿所不能作亟寄楊生讀之

廿三日晴午陰看耕正見族子元妻劉及其娣羅來劉能傭工養夫及子

且還積欠賢能婦也留飯款之俄而雨雷至夜遂雨

廿四日雨旋霽次婦亡日湘孫設奠招兩婦來朝食午前辭去元兒明頗有心眼似勝黃孫而野氣難去不可畜也若有家塾正可教之爲莪女書扇新孫女發疾夜半求醫不得

廿五日陰講左傳荆尸追蓐皆無他證士會諛楚卽今諛西學所本宜張之洞之喜左傳惜不能設伏敖前耳依李慈銘例宜改號曰馬占鳳衢孽孫來上天入地皆來尋我與書劉定甫謀之此孫雖至荒唐而家人並知其姓名不可絕也留宿前客房

廿六日晴朝食前黃孫被撻逃至土廠尋追久之乃還章孫去雅耶專足來皆至衡不遇而追捕至此一一遣之譚文子來送豚蹄線雞言譚文帥不出團費無可奈何唯能魚肉良懦余亦未出費答以當稟官告譚王而求官計不然當各還田主



廿七日晴看漢碑將作李男銘因循未果以其來買文嫌汲汲也課如例  
廿八日晴晨令送米入城宅兼送房嫗母子還家余亦自到縣辦錢米已  
發攜黃孫行申至入城至賓興堂途遇張守備便同至堂倬夫正在看  
花園往則無花同入帳房小坐葛穫農來云朔日丁祭方演樂也

廿九日晴晨訪梅訓導送廖信云廖已調省矣小坐還正遇蔡怡臣便往  
城內外通報人客並集雲孫十三弟馮甲盛孝廉並來云劉星閣唐春  
湖沈子趣並死唐蓬洲已還償教卅七萬金道府驅逐朱菊泉來請觀  
禮往看未爲整飭龔文生爲主人云初七日被火燒去白酒二千斤火  
骸數百條還遣與李縣令子仁相聞頃之李來正值倬夫煮煙膏大鍋  
兩鑪於公所煎熬甚不雅馴幸李未問朱未出而葛龔出談考試事云  
辦卷不及試日須少緩久之李去羣客亦散

二月丁酉朔正五更時大雨竟日濛濛且寒昨約倬夫往市閒游今須早

往遂過公屋尋六瑚云往衡矣至雷壇觀道士營造已畢亦小有結構  
復爲伎寮約余小飲辭以無暇更訪裕蓉屏云將移入城嫁女後出湖  
南將之淮上于撫還鄂聶留蘇曾鉢撫豫錫革岑調晉此疆臣遷除也  
盛綸長沙譚承元衡陽全興祁陽林姪少湘陰黎回衡山此衡州大遷  
除也過仁裕合云復心兒來主其家將贅於曾又約伎飲亦辭無暇夕  
還未食教官送胙備一牢甚隆禮也食少而飽便早睡外報朱巡檢來  
坐待復轡袴起著衣出見之乃送夾衫朝鞋云相念甚殷頃之倬夫還  
復入煙房久坐乃去與朱略談已丑初矣前夜寅初不可再談便睡聞  
雷省船回云莪女三日行

二日戊戌春分社日大雨竟日占云不宜李道士來云請明日會酌告以  
將上船可今日耳昨道遇楊革鎮今日當往陳孫來云婚期尙未余云  
可至我家住待此處煙賭無可學也陳去便出過楊朱出城襖被以行

借蕭錢五萬豫備春祠攜黃孫同至道觀月生來告苦楊三來求洋差  
與片功兒告陳荆宜兼令茭女待小輪吳劭之倬夫來會飲並招楊陳  
倉卒主人亦復多品二更散便宿丹房

三日晨起待發轎夫未起起又不肯短卸久之乃至至黃龍碼頭廖傭負  
黃孫來乃招陳孫陳不能早起飯後來從楊三乞海棠媵以豚蹄午後  
始行幾一時許乃入漣口水漲流急雖順風不進也投暮到炭塘遣昇  
陳黃先去余坐待一時許天昏地溼風雨橫斜寒氣侵衣然不覺其苦  
故境無哀樂也二更到家三更飯後卽睡

四日晴朝食甚晏飯後已午初矣看李花喫沅橘午夕皆小睡甚沈酣  
五日雨陳孫起甚晏亦嫌其詞多未與談論略誨以規矩而已

六日雨懿女殤生氣不足猶病廿三日乃絕信死之難也夜治械瘞之園  
中未名不哭而其母猶傷焉

七日大雨曾氏迎郎者皆霑衣少瑚自衡奔還亦霑溼徒步而來致夏署

道書卽復辟館

行在新先生大諡公祖節下去臘承賜年費禮當恭定緻因戒

咸宜重惠來章藉稔多福闔之運溢設皋比倏逾十載正當歸老適遇貴臨方幸賓主之歡重續棣華

陽便成就聞兼年已七十精力不支乞假還山事非得已議席已滿題者首士想必啓聞月課甄別例係不專主課卷甚少一目了然其擬題

以門徒程餘俟傳陳完夫均可代擬謹先繳關帖又與丁篤生書唐盛府以免懸待餘俟續上先此奉復敬頌台安不宣

道書卜云哉書薦二瑚去尋芍帥

八日晴陳孫去朝食後檢點衡信午後少瑚亦去庚大耶不來出看李花

惟見新綠以爲葉密花未發耳就看則碎玉盈堆方知早落近在門庭

未能一賞殊爲負負桃花猶盛繡毬如雪亦點綴春光耳

九日晨大霧午後始見日影檢日記真成斷爛報矣舊團總盛張田來張

子持來均言收團穀譚制臺不出餘皆不服余云應退或勒譚佃代出

可請縣示盛張留飯去楊家遣人來看女便送點心夜大風

十日黃霧大風復寒校論語訓補說危言危行行宜中庸不可高也言尤不可危引記駁正舊說

十一日晴看明鑑煌煌先訓皆逆知後世之事殊可傷閔諷子詩有莧著

字

乃楚詞字面殊非泛覽之書

似是說文言博鑒事檢之不得泛覽無記性亦可歎

也欲題數語未得文情而止

十二日晴開枝女爲壻求一船作生計依而與之作李碑興亦不屬

十三日霧黃孫請假看戲六耶來待之久矣夜大風治窗幸完不爲所撼

十四日稍寒晴晨作李碑敍倭遼軍頗費筆墨不能詳晰宜待論史者考

訂檢日記集卅年來挽聯得百許首

十五日晴煊懿婦滿月出見瘦損矣懿往

祠辦祭鄉人云做酒做酒是也不成祭故余不往此皆收族之敝今不必

行者

十六日晴楊生率其從弟來見亦有規模陳郎伯仲才也姻友中陳楊當可與胡家比他姓不及留宿外房

十七日癸丑清明黃孫折山簪兩枝花較疏散鄉人云米蠟未知是兩種一種煊甚欲雨與二楊散步旁原春氣蒙蒙夜雨

十八日大風楊轎來迎不能去懿乃得還石山昨來朝食後去

十九日陰有雨與楊生論人材頗惜將軍遣招之云入城去矣午後二楊去

廿日晴作李碑成看楊季子詩族孫漆匠來送菌筍新得芥頭美味備矣顧工告去采茶片詢裕衡州以近日西事

廿一日陰晴陳升來致夏署道書將軍來云衡民復掠教堂木料問陳升乃無其事唯云停考是實學使回省矣張生書報夏榜眼褫職以妄言事似梁鼎芬也懿婦獻山蘭一枝壽山家族子來



廿二日陰看甄別衡永生卷五十八本雖時作輟頗倦於評點蓋真老矣  
成生衣冠來亦爲席子留麪飯去夜窗坐春已覺藹然楊生來報時事  
送國策請選

廿三日晴定去取寫回信遣陳升去又與書黎竹雲薦六耶媵以四元四  
百居十日矣入鄉來未閒一日今始督理功課夜雨旋止

廿四日陰晴雨相間晡後始定陰風楊生來詢夏編修詞意肫誠至性人  
也余輩少時皆有此漸漓天性耳張生則不能又是薄倖使然看國策  
一本譚團總來聞子規

廿五日陰晴約將軍往姜畬對帳待過午不來恐失約遣人往告人未行  
而將軍來遂同步往黃孫從行取田間徑甚遠過兩可飯之家俱未入  
到市哺矣路甚穢溼鄭福隆父子來迎入許大八家翁嫗均八十餘奇  
健留飯裹海參而還昇來迎歸黃孫仍步將軍報夏入獄急往楊生家

余還舍昇還主步至家猶未夕食頃之大雨雷電

廿六日雨午後晴思夏逢怒故不得恐傳譌也遂無從探聽看國策畢

廿七日晴午後將軍及謝生來倉冲人名天錫字似是晴初鄉間博通者  
留飯將軍去謝宿客牀

廿八日晨霧懿婦生日設湯餅謝生去鄭兒來欲覓將軍久坐不去怪人  
生怪事殊出情理外不可更罵之聽其癡坐而去雨乃隨之天之抆彼  
也夜看中唐五律別有門徑真苦吟人語如八家文也

廿九日雨看晚唐詩卽不成話擲去不復看庸松昨來言有人欲刻我書  
札弋利渠有底本耶答以無有小坐便去召食牢丸則去矣五相公久  
不歸以爲必掣騙拐逃至夜乃至云赤腳被刺無用人往往如此

卅日晨大雷風雨竟日遣迎房嫗因發李信由常霖生寄去廖丁實行兼  
覓紅白文無自檢日記信稿命湘孫寫出

三月丁卯朔雨竟日行人來言大水穿田矣寫仲三遺詩跋尾略敘其蹤迹夜雷

二日戊辰穀雨陰雨盛衡陽舟過縣送鹽信得張生片

上巳雨午臨田邊看春草樹蒙蘢蕪然一碧頗有詩思未遑命筆夜作餅  
四日雨湘孫生日余起最早放學游戲午設湯餅遣人入城尋粳米夜歸  
已將寢矣

五日陰雨昨暮來游勾求宿門階今早仍不去觀其攜婦女長子孫亦自  
可樂信行樂之多方也晚立石橋看楊花樹下堆繇又自一種與垂柳  
綠楊均異蓋白楊以花白一樹得名庸松又來取信本去

六日陰晨出前山畦隴盡改幾不辨路矣見天水狂獸仇家弟子夾帶書  
云仿玉海亦復搜集略備爲流覽經集一過夕雨雷連夜

七日雨陰仍風唯看小說樹子來謀遠出以無益止之人不聊生貧情已